



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De thesauris Collegiorum 135

urn:nbn:de:hbz:466:1-34315

Iam verò cum in Collegiis non tantum veri ministri Ecclesiæ futuri sint, quorum iam paucissimos habent, sed Collegia partim scholæ quoque & Pædagogia esse debeat honestorum iuuenum, qui deinceps Ecclesiæ Christi vel in Ecclesiastico vel in aliis muneribus tanto melius inseruire possint. Deinde cùm constet Collegia plurimis & amplissimis donis à Nobilibus dotata esse, æquitas sanè postulat, vt hac in parte Nobilibus sua prærogatiua concedatur. Ad hęc, cum alioquin Deus nobiles potius quām vulgares ciues ad hoc destinauerit, vt ceteris auctoritate & dignitate precant & antecellant, sicut res ipsa testatur, neque hac ratione male seruitur Ecclesiæ Dei, si tales via inueniantur, quibus illi præ cæteris ad pietatem, ad omnem scientiam bonaque studia, singulari diligentia edacentur. Tertiò cùm inter nobiles, ij qui maiori timore Dei prædicti sunt, singulariter honestam & utilem disciplinam præ vulgaribus plebesque hominibus inter suos conseruent, spes quoque est ex istorum numero non paucos excellentes viros & ad omnis generis Ecclesiastica ministeria aptissimos educari posse; magis quām ex his, qui in tali disciplina, nec nati nec à iuuentute educati sunt. Nulla igitur Aduersariis causa sobest, vt propositam Collegiorum distributionem hac in parte multum suggillent. Semper enim hoc excipit Liber, vt in omni Electione ad munera ministeriaque Ecclesiastica primum omnium ad potentiam ac vim spiritualem, Ecclesiæ Dei quām optimè ædificandi respiciatur.

De Thesauris Collegiorum.

C. A. P. CXXXV.

DE CIMO TERTIO, Cùm Liber ordinat, vt argentea, & aurea, aliisque preciosa vasa, atque ornamenta Collegiorum per totam diœcesim annotentur, & diligenter conscribantur, nec quicquam de eis alienetur à suis Ecclesiis, vel mutetur in aliū usum, sine nostro & prouincialium nostrorum legitimo consensu; de hoc tanquam de nouatione queruntur Aduersarij: propterea quod prouinciales hactenus Ecclesiarum Thesauris non immiscuerint.

At non ignorant Aduersarij, Ecclesiam Christi & horum & aliorum bonorum omnium veram dominam esse ac possessorem. Merito igitur ea non sine præcipuorum maximisque publicorum membrorum eius ministrorum & antistitutum ordinatione mutari debent. Personæ Collegiorum nullam alias potestatem habent quām ea custodiendi. Ministri enim sunt Ecclesiæ Christi, non Domini.

De anno Residentię.

C. A. P. CXXXVI.

DE CIMO QVARTO reprehendunt traditam à nobis Anni Residentię moderationem, cuius mentionem fecit liber. Scribut eam magnā dissolutionem